

Zum Fuffzent'n

Text: Tom Lackner

1. Mia zwaa, mia kennan uns scho laung
So fuffzen Joa, tat i scho saung
Und mia haum in dera Zeit
Ziemlich vüh ealebt zu zweit
Oba äaga is no fost
Waunnst' as Revue passian losst
Wos Du mit mia oiß mitg'mocht host.
 2. Waunnst noch an laungan, hoat'n Tog
So z'aus kummst, trifft Di oft da Schlog
Und Du wühst nua wieda weg
vua lauta Sauwiatschoft und Dreck
Waunn ma des – wuascht mit wos – vagleicht
Do bin i ealich unerreicht
Mit mia, do host as echt ned leicht
 3. Es is a großes, weites Föhd
Doch es gibt kan auf da r Wöhd
Dea des so wia i vaschdeht
dass a da auf de Neav'm geht
Dea Dein' Schwochpunkt so guat kennt
Und duat des Messa einerennt
Do hob i echt a Talent
 4. Mia zwaa, mia kennan uns scho laung
So fuffzen Jahr'ln, tat i song
Und waunns'd ned g'nua host scho vo mia
Wea i gean oid und grau mit Dia
I bin bein Schaas bau'n a Genie
Doch Di valetz'n wüll i nie
I schdeh hoit oiwöe no auf Di!
- Fin I schdeh mit Haut und Hoa
Bis i zum Teife foa
Auf niemand aunda'n ois auf Di!